



Vrijednost projekta

Projekat podržava razvoj dječijeg i omladinskog sporta i namjenjen je djeci u dobi od 10 do 14 godina, koja se u svojim kvartovima, ulicama i naseljima organizuju u neformalne grupe i nastupaju pod neformalnim imenima. Popularnost Lige, iskazana kroz broj učesnika, neprestano je rasla od njenog pokretanja 2006. godine do danas. Liga mladih nada je takmičarski program koji ima za cilj popularizaciju sporta i promociju pozitivnih društvenih vrijednosti kod djece, koja u ovom uzrastu nisu uključena u druge sisteme takmičenja, te na ovaj način stiču nova poznanstva i dragocjeno takmičarsko iskustvo. Cilj Ljetne lige je da djeci i mladima omogući ispunjavanje slobodnog vremena za vrijeme školskog raspusta pozitivnim i korisnim sadržajima, kao i to da djeca kroz ligu zavole sport i da se u što većem broju uključe u organizovano bavljenje sportskim aktivnostima.

Plan i program

Planirano je da se takmičarski program realizuje u julu i augustu 2014. godine na malonogometnom i košarkaškom terenu Panonike pod Slanom Banjom.

U okviru košarkaških i malonogometnih liga predviđa se sudjelovanje oko 50 ekipa sa 700 takmičara. Liga se sprovodi kroz takmičenje u grupama po jednokratnom bod sistemu i plejof po sistemu eliminacije. Navedeni format omogućava da najbolji dođu do izražaja i da svako dijete doživi takmičarsko iskustvo kroz veliki broj utakmica i minuta provedenih u igri.

Osim standardnih formi takmičenja u vidu utakmica pojedinci se takmiče i u specifičnim individualnim vještinama, kao što su nogometno šutiranje na različite mete, košarkaško šutiranje iza linije 6,25, poligoni nogometnih i košarkaških vještina itd. Stručni žiri prati sve vidove takmičenja i bira najbolje igrače, golmane, trenere i najbolje postave. Po završetku finalnih utakmica organizuje se Ceremonijal dodjele priznanja najuspješnijim učesnicima Ljetne lige uz bogat kulturno-zabavni program i prigodna izlaganja uglednih zvanica. Zbog svega navedenog Liga izaziva veliki interes javnosti i privlači veliki broj posjetitelja.